

1.- REGULAMENTO DA VI SAN SILVESTRE SOLIDARIA DE PONTEAREAS e da IV SAN SILVESTRE SOLIDARIA INFANTIL 2017

PREVIO Á CARREIRA

Art. 1º.- **Todos os participantes** polo feito de inscribirse declaran coñecer, entender e aceptar o presente regulamento

Art. 2º.- **O Club Taninos Runners Ponteareas**, con CIF: G94049871 e o **Excelentísimo Concello de Ponteareas ORGANIZAN**, o 31 de decembro de 2017, a partires das **16:45 horas** a “IVSan Silvestre Solidaria Infantil” e a “VI San Silvestre Solidaria de Ponteareas” sobre un trazado urbano de 5 Km.

Art. 3º.- PARTICIPANTES E CATEGORIAS

Poderán participar todas aquelas persoas, federadas ou non, que o desexen sempre que estean inscritas, nos prazos establecidos para o efecto pola organización, e cumpran as condicións de participación.

Categorías Establecidas:

A **proba absoluta** estará aberta a tódolos atletas que teñan **cumpridos os 14 anos** de idade no día da proba.

Neste ano 2017 celebrarase a **IV San Silvestre Solidaria Infantil** con **tres categorías**:

- Rapaces e rapazas de 6 e 7 anos cumpridos no día 31 de decembro de 2017, cun percorrido **dunha volta** ás dúas prazas de Ponteareas, acurtando polo rúa máis ao norte da Praza de Bugallal. **Hora inicio: 16:45**
- Rapaces e rapazas de 8, 9 e 10 anos cumpridos no día 31 de decembro de 2017, cun percorrido de **unha volta** as dúas prazas de Ponteareas. **Hora inicio: 16:55**
- Rapaces e rapazas con 11, 12 e 13 anos cumpridos no día 31 de decembro de 2017, cun percorrido de **dúas voltas** as dúas prazas de Ponteareas. **Hora inicio: 17:05**

Art. 4º.- CONDICIÓN DE PARTICIPACIÓN

As persoas participantes comprométense a aceptar estritamente o presente regulamento e calquera posible modificación da proba, obrigada por causas alleas á vontade da organización.

O feito de inscribirse implica ter lido, entendido e adquirido os compromisos que se expoñen a continuación:

- Cada corredor participa baixo a súa enteira responsabilidade, afirma posuír un nivel de condición física suficiente para afrontar a proba e ter pasado os pertinentes controis médicos de saúde.

- A organización non se fai responsable de calquera lesión ou padecemento por imprudencia, negligencia ou falta de forma física do/a participante.
- O/A participante exime de toda responsabilidade á organización que puidese derivarse da súa participación no evento (Ex. perda de obxectos persoais por roubo ou outras circunstancias, perigo de lesións, atropelos, agresións...)
- Autorízase á organización o uso de calquera imaxe en publicacións, carteis ... para a promoción do deporte. Calquera persoa inscrita poderá prohibir a utilización da súa imaxe previa solicitude expresa e por escrito dirixida ao Club Taninos Runners Ponteareas (rúa Oriente 15 – 2º - 36860 Ponteareas)
- Non se permitirá a participación de animais nas probas.

A Organización resérvase o dereito a rexeitar calquera inscrición que non acepte os termos e condicións expostos no presente regulamento. No caso de dúbida, ou de xurdir algunha situación non reflectida neste, estarase ao que dispoña a Organización.

Art. 5º.- **INSCRICIÓN**

Farase na PÁXINA WEB: www.taninosponteareas.com ata o 29 de decembro de 2017 e **non se admitirán nin inscricións posteriores nin o mesmo día da proba.**

A inscrición será GRATUÍTA

A inscrición na proba é persoal e intransferible.

A inscrición na proba quedará limitada a **750 participantes** na proba **absoluta**.

Para os **rapaces** limitarase a **250 participantes sumando as tres categorías de idade**.

ACCIÓN SOCIAL: Todos os participantes deberán facer unha achega dun produtos alimenticios non perecedoiros, nomeadamente produtos de limpeza e hixiene persoal, e que serán recollidos polo **centro de reparto de alimentos da Concellería de Servizos Sociais do Concello de Ponteareas**, na zona de entrega de dorsais, previa retirada do dorsal. Tamén existe esta opción para persoas que non corran ou integrantes da organización.

O DÍA DA PROBA

Art. 6º.- **RECOLLIDA DE DORSAIS**

Farase na zona de saída, na Praza Maior de Ponteareas, nun lugar habilitado pola organización, entre as 15:30 e as 17:00 do día da proba.

Na mesma zona farase a entrega da bolsa do corredor ao rematar a proba.

Os participantes disporán dun servizo de gardarroupa na zona de saída e meta.

Art. 7º.- **PERCORRIDO**


As categorías infantís completarán o percorrido:

Saída e chegada na Praza Maior fronte ao edificio da seguridade social, con dirección sur cara a rúa da Esperanza, seguimos pola Praza Bugallal, xiro á esquerda pasando fronte á porta principal da igrexa parroquial para acceder á zona de saída e chegada pola rúa de Oriente.

Rapaces e rapazas de 6 e 7 anos: **unha volta acurtada** pola rúa da praza de Bugallal que unen a rúa Esperanza coa rúa de Oriente. 16:45 Horas

Rapaces e rapazas de 8, 9 e 10 anos: unha volta. 16:55 Horas

Rapaces e rapazas de 11, 12 e 13 anos: dúas voltas. 17:05 Horas



Categoría absoluta, 14 ou máis anos:

Os corredores completarán **2 voltas** ao seguinte circuito urbano:

Saída e chegada na Praza Maior fronte ao edificio da seguridade social, con dirección sur cara a rúa da Esperanza, xiro á dereita por Morales Hidalgo, xiro á esquerda por Rúa Estrada, xiro a dereita e seguimos pola Praza Bugallal, xiro á dereita por rúa Reveriano Soutullo, xiro á esquerda por rúa Salvaterra, xiro á esquerda por rúa Virxe da Luz, xiro á dereita por Amado Garra, xiro á esquerda por rúa Azorín, xiro á esquerda por Rosalía de Castro, xiro á esquerda para seguir de fronte por rúa Concha Brey, xiro á esquerda pola rúa Virxe dos Remedios, xiro á dereita pola rúa dos mestres, xiro á dereita pola rúa Alfonso Vázquez Fraile, xiro á esquerda pola Rúa Daniel Ojea, xiro á dereita pola rúa Amado Garra, xiro á dereita pola rúa Reveriano Soutullo, xiro esquerda por Avda da Constitución, rúa de Oriente para chegar na **segunda volta** á Praza Maior



Nº Voltas ao circuito: 2 Distancia: 5 km aprox.

Horario da saída: 17:30h Avituallamento na Praza Maior ao rematar a proba.

Art. 8º.- SERVICIOS SANITARIOS E SEGURO DE ACCIDENTES

A Organización disporá dun servizo médico formado por un/ha médico, un/ha enfermeiro/a e unha ambulancia, situados na zona de saída e chegada.

O Club Taninos Runners Ponteareas dispón dun seguro de responsabilidade civil segundo a lexislación vixente con número de póliza: 0961270104571, contratado con MAPFRE Seguros.

Así mesmo, todo participante non federado, disporá dun seguro de accidentes, non lesións, soamente para o día da carreira, contratado polo Concello de Ponteareas coa compañía CASER e co número de póliza 50176805/00000000.

Art. 9º.- DESCUALIFICACIÓNS

O servizo médico da competición, ou o director de carreira, están facultados para retirar da carreira a calquera atleta que manifeste un mal estado físico evidente, que non realice o percorrido completo, que non teña dorsal, que manipule a publicidade do dorsal, que manifeste un comportamento non deportivo ou que se reitere en protestas á organización.

Art. 10º.- PERSOAS NON INSCRITAS

Toda persoa que corra sen estar inscrita, faino baixo a súa responsabilidade, non estará cuberta pola Organización. Se é advertida a súa presenza instaráselle a abandonar o circuíto.

POSTERIOR Á CARREIRA

Art. 11º.- PREMIOS

Polo carácter solidario e non competitivo da proba, non haberá máis premio que o poder correr polas rúas da Nosa Vila o derradeiro día do ano. Non haberá clasificacións, nin podio, nin premios.

Art. 12º.- SERVICIO DE DUCHA

Os participantes disporán dun servizo de ducha no pavillón Álvaro Pino de Ponteareas, aberto ata unha hora despois de finalizar a proba.

Para máis información: www.taninosponteareas.com
taninosponteareas@gmail.com